

CASA
*** DI E**
LINGUE

PROGRAMMA **SETTEMBRE > DICEMBRE**

L'ATTORI SEDENTARII DI A CASA DI E LINGUE

Fondation du patrimoine

A Fundazione di u patrimoniu, è a so delegazione corsa hè un urganisimu à ghjuvire pùblichu è micca lucrativu. A so missione hè di aiutà i prupietarii ch'elli sianu cullettività, particulari o puru associ, da ch'elli pòssinu investisce in Corsica. Stràdanu ogni prugettu per truvà i finanziamenti pùblichu è privati da chì u nostru patrimoniu culturale diventi opportunità d'impiegju, di scupertu, d'educazione è di leia.

Praticalingua

L'associu Praticalingua hè un centru d'amparera è di pratica di u corsu in immersione. Hè un locu 100% cursòfunu induve vo pudete stà à sente, dumandà rinsignamenti o cunsigli è soprattuttu mèttevi à parlà corsu à u vostru ritimu. Per scopre, per praticà o puru per tramandà chì l'impegnu di tutti hè preziosu. Sò più di 120 mòduli di furmazione scumpartuti in 40 attelli.

Réseau Canopé

Prima cunnisciuta cù u nome CRDP, a struttura Canopé di Corsica face parte di a Rete Canopé naziunale, dedicata à a furmazione è l'accumpagnamentu di l'insegnanti.

U Canopé di Corsica sò quasi cinquant'anni à u serviziu di tutta a cumunità sculare è di a lingua corsa : manuali, libri di fole, di puesia, filmetti, puntelli sunori, arnesi per tante materie, un lessicu ricchissimu è tant'altri puntelli.

Scola Corsa

Associu di prumuzione di a lingua è di a cultura corsa, Scola Corsa sviluppa un retale di scole d'insignamentu immersivu. Quattru stabilimenti sò digià stati aperti in Bastia, Biguglia, Corti è Sarrula è Carcupinu. À a rientrata 2023, scularizeghjanu 110 zitelli.

FONDATION



DU
PATRIMOÏNE



Praticalingua
lingua face populu



SCOLA INTERNAZIONALE DI E LINGUE

A Scola Internaziunale di e Lingue puntelleghja i so principii d'insignamentu nant'à u multilinguisimu. Sopr'à locu, si serve omu di a lingua corsa cum'è lingua arnese da praticà un'altra lingua ogettu di studiu.

A maiò parte di a ghjente in u mondu parla parechje lingue è a medità di a pupulazione mundiale hè à minimu bislingua.

A Scola Internaziunale hè un'oportunità per tutti i publichi d'affrancassi da u schema monolingu francese purghjendu à ognunu un accessu faciulitatu à u plurilinguisimu.

A lingua corsa face parte di a famiglia di e lingue rumaniche chì conta una miliarda di locutori in u mondu. A piena integrazione di a lingua corsa in a so aghja linguistica apre prospettive di sviluppu di ogni generu.

Al di là di un metudu pedagogicu chì permette d'amparà un sapè fà o una pratica artistica, l'immersione hè un mezu da liberà a parolla è porta à a spressione sciolta di una lingua.

U metudu segundu qualesu « a pratica vince a grammatica », puntellatu nant'à u prammatisimu è l'amparera à fette porghje risultati efficienti in a pratica reale più chè teorica di a lingua ogettu.

A scelta di i furmadori, a multiplicità di i modi d'amparera è a diversità di e tecniche d'insignamentu propie à ogni lingua è paesi accrescenu e pussibilità di prugressi per l'amparanti.

L'intercomprensione è a sazietà di i bisogni linguistici necessarii à a cumunicazione plurilingua trà lingue neolatine permettenu di rompe l'idee precuncepite è cum'è omu si figura e lingue di modu stantaratu è monoliticu.

E lingue sò vive perchè sò in mossa, fèmune altrettantu !

* Programme à retrouver sur

agenda.bastia.corsica





DI SETTEMBRE

Mer. 13.09.23

[Rientrata] > Tutta a ghjurnata

A Casa di e Lingue à porte aperte per issa rientrata sculare 2023/2024, venite à scopre a so prugrammazione, u catàlugu di furmazione di Praticalingua, a so Scola Internazionale di e Lingue è i so altri attori permanenti : Canopé Corsica è a Fondazione di u Patrimoniu.

Ven. 22.09.23

[Mùsica è lingua] > 18h

Venerà Matteu di Meglio à presentacci « A me lingua », u so primu dischettu, vera losa à a so cità di Bunifazziu.

Ven. 29.09.23

[Numèricu] > 18h

Stéphane Barbagelata ci presenterà l'arnesi creati è e pussibilità varie da permette à u corsu d'accustà senza timore u numèricu è e rete suciale.

Sab. 30.09.23

[Puesia] > 14h

S'invita Arte Mare à a Casa di e Lingue per un incontru trà pueti catalani è corsi frà i

quali, Patrizia Gattaceca, Ghjacumu Fusina, Stefanu Cesari è Pasquale Ottavi. Seguirerà a presentazione d'antulugie corse è catalane tradutte in e duie lingue.



D'OTTOBRE

Mer. 04.10.23

[Storia] > 18h

A l'occasione di l'80 anni di a Liberazione di a Corsica, venerà Jean-Michel Casanova à parlacci di issu passu gluriosu di a nostra storia : « **Resistenza è Libertà** ».

Ven. 06.10.23

[Literatura catalana] > 18h

Incontru cù Miquel de Palol, pueta è rumanzieru catalanu chì vene di riceve u Premiu Ulysse per l'inseme di a so òpera.

Ven. 13.10.23

[Literatura] > 18h

L'Accademia di Bastia ci presenta l'Accademia di i Vagabondi, capifila di a creazione letteraria corsa à i XVII è XVIIIu sèculi.

Ven. 20.10.23

[Cuncertu à l'intimu] > 18h

Una ghitarra cù sei voce, hè cusì chì u gruppu A Filetta s'affacca in Casa di e Lingue prupunendu à u publicu canzone è canti emblemàtichi !
Entrata di gràtisi

Sab. 21.10.23

[Creazione zitellina] > 10h

Sonia Moretti, puetessa è Sarah Jossen, illustratrice, vi feranu scuntrà cù e vostre muse : quella di a poesia è quella di u disegnu.
À partesi da 8 anni



DI NOVEMBRE

Mar. 7 – Mer. 8 – Ghj. 9.11.23

[Musica internaziunale] > 18h

In u quattu di Les Jeunesses Musicales de Méditerranée, s'invitanu u Maroccu, a Grecia è a Catalogna à a Casa di e Lingue pè trè cuncerti da fà cumbasgià ogni sponda di u Mediterraniu in una stonda d'amicizia è di spartera.

Ven. 10.11.23

[Musica internaziunale] > 18h

Sempre in u quattu di Les Jeunesses Musicales de Méditerranée François Berlinghi, Duttore in etnomusiculugia, venerà à presentacci e sfarente forme di pulifunie di u Mediterraniu.

Ghj. 16.11.23

[Credenze] > 18h

I vivi, i morti è a barca. Parlemu insieme incù Hélène Susini è l'associu E Signadore di e tradizione in giru à e porte, scure o luminose chì s'aprenu di novembre. À truvacci cun spiriti, lacramenti, mazzeri è ancu e streghe di e fole.

Ven. 17.11.23

[Ghjocu] > 18h

Ispiratu da e legende tradiziunale, si presenta è si ghjoca à Mazzeri, un ghjocu di rollu à identità secreta creatu da i fratelli Laignier Colonna-Cesari.

Ven. 24.11.23

[Cullezzione] > 18h

Jacky Santucci hè unu frà i più grandi cullezzionisti di maglie di u Sporting. Partigianu fidu di a squadra è bramosu di sparte a so passione, venerà à presentacci a grande storia di e maglie turchine.

Mer. 29.11.23

[Tradizione] > 09h30

Praticalingua

Attelli per i zitelli, canzone, fole è stalvatoghji
ingiru à Sant'Andria



DI DECEMBRE

Ven. 01.12.23

[Vernicera] > 18h

Da u Stadiu di Furiani à a Casa di e Lingue,
l'attalantata Charlotte Raffalli s'hè fatta
cunnosce per via di i so disegni realisti è
cummuventi, tutti fatti di penna Bic. Un'arte
senza parù in Corsica è una prima vernicera
ch'ella sparterà cù noi.

Sab. 02.12.23

[Innuvazione] > 10 ore

Arnaud Dhermy, cuurdinatore per Gallica
venerà à presentacci a numerizzazione è a
testualizzazione di 238 numeri di stampa in
lingua corsa. Issu travagliu hè u fruttu di
una collaburazione trà a BNF, l'archivii è e
bibliuteche d'Aghjacciu è di Corti.

Lun. 3 > Ven. 08.12.23

[Disegnu] > 18h

Per celebrà a Nazione, pruponenu La P'tite
Usine è a Casa di e Lingue una sfida aperta
à tutti : disègnami a Nazione ! A restituzione
di tutti i disegni si face long'à a settimana
incù una pruiezzione annant'à u muru di
Sant'Anghjuli.

Ven. 08.12.23

[Festa di a Nazione] > 18h

Cuncertu di a Festa di A Nazione, nantu à u
sacratu di Sant'Anghjuli.

Ven. 15.12.23

[Veghja Natalesca] > 18h

Canti, paghjelle è puesie. Impruvisate, fole
è savori. Un ci manca più chè u fucone è a
legna chì sciuppitaghja !

Ven. 22.12.23

[Cuncertu] > 21h

S'invita u cunservatoriu Henri Tomasi à
a Casa di e Lingue per una spassighjata
musicale intornu à a magia di Natale.

* Programme à retrouver sur

agenda.bastia.corsica



Puntellu di a pulitica culturale di a Cità di Bastia, v'accoglie a Casa di e Lingue inde un quattru conviviente è vivu chì vole rispechjà l'ambizione per issu terzu locu novu : un spaziu di adunita, di scontru è di tramandera chì vole mette à l'onore u plurilinguismu è a diversità culturale.



un lieu **ressource** pour les acteurs privés souhaitant intégrer la **langue corse** à leur **projet économique ou associatif**.

une offre plurielle et ouverte accueillant **3 associations** sédentaires : Praticalingua, Canopé, et la Fondation du Patrimoine.

un lieu de **programmation culturelle** à destination de tous les publics, initiés et débutants.

un lieu d'apprentissage **A Scola Internazionale di e Lingue**.

un espace **pédagogique à destination de toute la jeunesse** du territoire : écoles, centres aérés...

CASA * DI E LINGUE

Carrughju Sant'Anghjuli
20200 Bastia

Ouverture
du lundi au jeudi
8h-12h / 13h30-20h
et le vendredi
8h-12h / 13h30-17h

CONTACT

Administrateur
Alex NEGRONI

☎ 06 17 06 08 49

✉ anegrone@bastia.corsica

✉ lingua-cultura-corse@bastia.corsica

 Casa di e lingue

 casadielingu

www.bastia.corsica

